

Pabien S.V. La Fama cu 50 aniversario

ORANJESTAD (AAN)—
Un palabra di pabien ta bay na tur miembro di directiva di S.V. La Fama, hungadornan, fanaticonan y pueblo di Savaneta cu e 50 aniversario di S.V. La Fama.

Awe 18 di Februari ta un dia historico pa La Fama, un dia cu no por lage pasa asina no mas, ya cu 50 aña di un organisacion deportivo no ta facil pa alcansa y mas ainda cu e club a ser funda den temponan dificil y trabaonan duro a ser haci pa mantene e organizacion aki na bida.

Cincuenta aña pasa algun persona a yega hunto pa funda un club di futbol bao di e nomber di La Fama sin pensa cu e club aki lo bira grandi y cu bon nomber.

Manera tur club deportivo na mundo, La Fama tambe a confronta problema serio cu hungador y financiero.

Pero ora cu bo tin confianza den bo mes y no

entrega bo ta logra hopi y ta esey a pone cu awe La Fama por a cumpli 50 aña di existencia.

La Fama a lucha den division Honor y A klase cu awe ta division Prome

y e equipo aki a produci hopi bon futbolista apesars cu nunca nan a titula campeon di Aruba.

La Fama por a conta cu Joy La Rosa un tremendo defensa, y portero Pupi



Deporte

Diaz cu ta dos di e grandi nan cu a marca historia pa La Fama.

Ultimo añanan e team aki a confronta problema ya cu e no tabata stabil den division Honor, pero un

team luchador cu ta degrada un aña bolbe subi ya cu e confianza te semper.

Hopi vez directiva di La Fama, hungadornan di e equipo y su fanaticonan no ta di acuerdo cu loque prensa ta comenta di e team, pero hopi vez e comentarionan ta na su lugar apesars cu e ta haci poco dolor.

Varios grandinan di La Fama ya no tey mas pero nan a laga bon recuerdo atras cu awe por celebra 50 aniversario di La Fama.

Na Sr. Buchi Schwengle e persona cu a sacrifica masha hopi tempo y placa cu e team un palabra di extra pabien cu La Fama cu 50 aniversario ya cu si no ta pa bo persona cu a tene e team ariba lama lo ta hopi aña caba lo la Fama a hoga debi cu tabata di hopi problema pa por a lucha cu e team.

La Fama Pabien cu boso 50 aniversario y hopi aña mas di existencia.



Esaki ta e team di La Fama den aña 1949. Di robez pa drechi Benny de Kort, Poal Rafini, Jose Kock, Bubu Arends, Semereel, Dudu Arends, Joaquin Kock, Debaristo Kock, Sai de Cuba, Calin v.d. Linden, Efrem de Kort. Janchi Arends, y Sim Fat.

Programa celebracion 50 aniversario La Fama

ORANJESTAD (AAN)—
Awe 18 di Februari S.V. La Fama ta cumpli 50 aña di existencia, pa cual a ser traha un programa pa e celebracion.

E programa ta cuminsa awe nochi cu santo sacrificio di misa den Misa Sagrado Curazon pa 7or.

Pa 8or lo tin un recepcion den Centro di Bario Savaneta. Invitacion ta bai na tur miembro y ex-miembronan, y e comunidad di Savaneta pa asisti na e recepcion.

Cu e dos actividadnan S.V. La Fama ta pone inicio na actividadnan en conexcion cu su celebracion di 50 aña di existencia.

Na April; Softball Veteranos. Na Mei; Futbol Veteranos (Copa Joey's). Na Juni; Varios otro actividadnan, manera paseo ariba bicicleta, domino, bolas criollo, ect.

Na Juli; Competencia entre La Fama, Jara, SLD ariba diferente ramo di deporte.

Na Augustus; Den prome dos simannan competencia entre e miembronan di La Fama, lo forma dos equipo. Un berde, y Un blanco

cu lo bai competi cu otro, den piscamento, softball, domino, biljart, ping pong, zaalvoetbal y volleyball.

Dia 12 di Augustus 1988 clausura di celebracion di 50 aña di existencia di S.V. La Fama.

E programa pa e dia ey ta manera ta sigui. Di 8or pa 10or anochi entrega di di-

ferente trofeo's na e ganadornan homenaje na diferente persona clave den bida di existencia di e organizacion. Despues lo sigui un fiesta bailable.

Esaki ta un programa tentativo, por bin cambio ainda.

Tambe directiva ta infor-

ma cu pronto lo tin banderina, T-shirt, pin di oro y petchi na benta.

Directiva ta spera cu e

pueblo lo sabi di coopera cu tur e eventmentonan aki y tambe cumpra e articulonan menciona.

Campeonato di Judo den Sporthall Diasabra awor

ORANJESTAD (AAN)—
Aruba Judo Association lo tene Diasabra 20 di Februari un campeonato Senior den Sporthall na Santa Cruz.

Jodokanan di Noord Judo Center, Oranjestad Judo Center y San Nicolas Amateur Judo Club lo competi pa e titulonnan den e 7 categorianan di peso.

Lo tin pelea den e siguient categoria.

Menos cu 60 kilogram. Di 60 pa 65 kilogram. Di 65 pa 71 kilogram. Di 71 pa 79 kilogram. Di 79 pa 86 kilogram.

Y tambe di 95 kilogram

ariba.

E ganadornan di e categorianan aki lo tin e derecho pa participa den e categoria abierto y e prestacionnan na e campeonato aki lo ta e base pa escohe esnan cu lo por representa Aruba den posibel competencianan internacional.

Programa lo cuminsa pa 7or di anochi y entrada ta unicamente un y dos florin.

Campeonato di Senior di November 1987 a muestra cu e judokanan di Aruba por trece peleanan na un bon nivel y como tal por spera un publico grandi.

PABIEN !

S.V. LA FAMA

CU BOSO

50 AÑA

DI EXISTENCIA.

Den nomber di boso sponser:

ISLAND FINANCE

ARUBA N.V.